



# Carnevale Spinettese

## PREDICA DI GAGLIAUDO

TUTTA DA RIDERE  
FATTA A... TELEGRAFO SENZA FILI

Spineten ste ben atent,  
Na bousinà av fass tourna sent  
Proufittoumsi der Carvè  
Sempre alegher absagnà ste.  
Csa chi son sti dispiasi,  
Il sei ben ch'amsò mourì?  
Ra var pi in ura d' divertiment  
Che i dnè di siouri ant' ist mument.  
Av dirrò der iasnarei  
Da pissev adoss du reii,  
E sa dig der bestialità  
A sper d' iessi pardouna.  
Er me amstè i sei qual cl'è  
A son in pover stupunè.  
Absò ca sgoba tut u di  
E poueta an son nent nassi.  
U secul nov a l'è spuntà  
Con der squerti e novità.  
U s'è vist ra gran invenssion  
Cl' a face Marconi franc dabon  
E suchi absogna dil  
L'è u telegrafo senza fil,  
I l'han za sperimentà  
Da l'America fina Erbià.  
I ian rispost cla tacà ben  
U i'è nassi in bel fanciouten.  
Ra stra dra 'Lva e Longafam  
I telegrāfu franc tut l'an.  
I van apres ar gran Sultan  
Che tant dom u ten a man.  
I fan cressi ist mond chi chi  
Viva u telegrafu senza fi.  
A iouma da vighi quaich moument  
A voure ancasi ra gent.  
Ma con tuti ist i' invenssion  
Er mond er van ni ambrosion

In mediatour l'ani passà  
An po d'fen l'ha countratà  
Ist Bray'om l'è andacc an cà  
E sent liri u i'ha cuntà.  
Dop passà doi o trei di  
Anmà cinquanta u n'ha ricevi.  
Con na faccia da giudè  
U i'ha negà coui pochi dnè.  
I i'han po face anche u debà  
E l'è stacc ben coundanà.  
A l'è ien ch'oun fa mai nent  
E ch'er viv ar spali a ra gent.  
I vagabond chi i'han mai lauvrà  
I pensu anmachi d'fe der ma.  
Pi savenda cse studiè  
U delatour u s'è bulà a fè.  
L'è andacc a di a in impiegà  
Che in afari t' i'è da fa;  
S'un paga nenta in biet d'sent liri  
Ai fouma fe der brit figuri.  
Cul impiegatu ar stava a sent  
Ra counfession d' coul assident.  
L'ha subit dice cu dà querela  
E cui fa piè sing am d'cela.  
Ser fis stacc pi istrui  
Un diva nenta ist robì chi.  
Ser fissa ancoura in om stimà  
Us va an po a tour e po us fa ndà.  
Ma l'è in om cl'ha poc ounour  
U n'ha za fà d' fice i coulour  
L'è andacc a di cu i'ha falsà  
E dousent liri u i'ha mangià  
Che da l'estero i i'han spedi  
E cur gna nenta ricevi.  
U i'andreiva in Musolen  
A foi ra barba propi ben

Ma u n'è ancoura riuisti  
A l'è in asu bela avsti.  
E na dona poc temp fa  
Fina er fouss a ra girà,  
A ra pià coul giurament  
Cme cher fiss n'afè da nent.  
E pensè per pochi liri  
I van a fè dar bel figuri  
Cser a fanda iss begl'assion  
I n'han pu credit d'un bout  
A dendra propi cme cra va  
Ra ca d' Bacian as po ciamà  
Me cara gent, absò laurè  
Par fè andè ben i nostr'afè,  
E cou travai e l'istrussion  
I pourtafrei sempra er poum  
I farrei bela figura  
E invidia a radritura.  
Par carità lassoumra lei  
E parlouma d'ater d'mei.  
Finalment u s'è riuisti  
D'avei ra Piccoula anche chi  
U i'era ancoura doi impiegà  
Anmà pù ieun u i'è restà  
A iouma da vighi cap stassion  
In cantouniè propi da bon.  
Re na stassion chi peiu a fè  
I venu anmachi chi amsurè.  
L'ater di i l'an telegrafà  
Che ai 32 i ra fare fa  
Quand clè u temp der i' eles  
I proumettou i bon boucon,  
Quand chi son po deputà.  
In fan gnanca fe na stra.  
Ra Spineta senza fal  
L'è in pais industrial